



Inatsisartuni ilaasortaq Anthon Frederiksen, Partii Naleraq

Qaanaami eqqaanilu ilaasunik timmisartuussisarneq pillugu § 37 naapertorlugu apeqquteqaammut nr. 2016-030-mut akissut

Brevdato: 11-02-2016
Sags nr. 2016 - 2065
Dok. nr. 201620651

Asasara Anthon Frederiksen

Postboks 909
3900 Nuuk
Tlf.: (+299) 34 50 00
Fax: (+299) 32 52 86
E-mail: isan@nanoq.gl
www.naalakkersuisut.gl

Qaanaami eqqaanilu ilaasunik timmisartuussisarneq pillugu apeqqtinnut, Inatsisartut suleriaasianni § 37 naapertorlugu nassiussannut qujanaq.

Matuma kinguliani apeqqtit akineqarput:

- 1. Savissivimmiit savissivimmullu silaannakkut ilaasunik angallassinermi pingasunngornikkut ingerlanneqartartoq, marlungornermut nuunneqarsinnaava? Taamatullu tallimangornikkut angallassisarneq sisamangornermut nuunneqarsinnaava?**

Akissut: Qulimiguullit angalanissaannut pilersaarut siunnersuutigineqartut allangortinneqarsinnaavoq. Kisiannili tamatuma kingunerisaanik Qaanaap avataanut angalanaraanni tamatigut Qaanaami unnuisoqartariaqartalissaaq. Erseqqissaatigineqassaaq, qulimiguullit timmisartuussinerat angalanerup kinguaattoorneranut peqqutaasariaqanngimmat. Aamma Qaanaamut/Qaanaamiit timmisartut qulimiguullit kinguartinneqartarput, taamaalillunilu attaveqartoqarsinnaajunnaarluni, tamannalu pissutigalugu qulimiguulimmik timmisartuussinernik allangortitsineq imminermi kinguaattoornerit ikilinerannut qulakkeerisinnaanngilaq. Akerlianik tamanna Qaanaamut avataanullu angalanerni tamani Qaanaami aningaasartuutissat, ilaasut namminneerlutik akiligassaat ilanngunneqassapput.

- 2. Ullut apeqqtut 1-imi taaneqartut angallassiffigineqarsinnaaneri allangortinneqarsinnaanngippata suut tamatumunnga akornusiippat?**

Akissut: Apeqqtut 1-ip ataani taaneqareersutut tamanna periarfissaavoq.

- 3. Quliminguulik/Helikopteri Qaanaap eqqaani silaannakkut ilaasunik angallassissutaasartoq Qaanaami "angerlarsimaffeqarsinnaannginneranut" suut pissutaappat?**

Akissut: Pituffimmut naleqqiullugu Qaanaami Hangar-eqanngilaq, aammalu sakkortuumik silarluttarnera pissutigalugu timmisartup hangarimut oqquitinneqartarnissaa sullissinermi piumasaqaataavoq.

- 4. Sila Pituffiup eqqaani aamma Pituffiup Savissiviullu akornani ajortillugu, sooq ilaasut Pituffimmi unnuisinnaatitaanngillat?**

Akissut: Inuinnaat Pituffimmi sakkutooqarfimmiittarnerinut maleruagassanik immikkut ittunik atuutsitsisoqarpoq. Pituffimmi unnuisarfitoqqat, Qaanaami mittarfeqalinngikkallarmat atorneqarsimasut isaterneqarsimapput.

5. Qaanaami timmisartumut orsussaasivik naammattumik imaqarsinnaasoq pigineqarpa?

Akissut: Aap, orsussaasivik 2013-imili aasakkut MIT-ip aamma Polaroil-ip suleqatigiinnerisigut timmisartuussinerup annertussusianut naammalersimavoq.

6. Apeqqut 3-imi piumasaqaatit naammassineqassappata suut amigaataappat?

Akissut: Oqaatigineqareersutut Pituffimmut naleqqiullugu Qaanaami hangar-imik atugassaqartitsisoqanngilaq.

7. Kiffartuussinissamik isumaqatigiissutip qulaani eqqartorneqartup eqaannerusumik aaqqiivigineqarsinnaanera qanoq periarfissaqarpa?

Akissut: Neqerooruteqartitsinikkut kiffartuussinissamut isumaqatigiissutissat nutaat naammassineqangajalerput. Naalakkersuisut angallannermi aaqqiissutissanik nutaanik pitsaannerusunillu anguniagaqarnermini, sullissisut angallannermi aaqqiissutissat akornanni ataqatigiissitsinissamik qulakkeerinissat pingaartittorujussuaat. Kisiannili sullissinerit pisariusut, silap pissusii il.il. eqqarsaatigineqartariaqarput.

Neriuppunga matuma siuliani apeqqutitit akisimassallugit.

Inussiarnersumik inuulluaqqusillunga

Knud Kristiansen